

BRYCHAN, sant (fl. tua chanol y 5ed ganrif)

Enw: Brychan
Priod: Prawst ferch Tudwal
Partner: Banadlinet ferch Benadel
Plentyn: Geingar ferch Brychan
Plentyn: Cain ferch Brychan
Plentyn: Gwladys ferch Brychan
Plentyn: Cynog ap Brychan
Rhiant: Marchell ferch Tewdrig
Rhiant: Anlach fab Coronac
Rhyw: Gwryw
Galwedigaeth: sant
Maes gweithgaredd: Crefydd
Awdur: Hywel David Emanuel

Ei dad oedd Anlach, fab Coronac, yntau yn dywysog Gwyddelig, a'i fam oedd Marchell, ferch Tewdrig, brenin Garthmadrn. Ar arch ei thad aeth Marchell trosodd i Iwerddon, lle yr ymunodd mewn priodas ag Anlach, a lle hefyd y ganwyd Brychan. Wedi hyn, dychwelodd Anlach gyda'i briod a'r plentyn i Gymru, a gwnaethant eu cartref ym mhentref Benni (yn ôl pob tebyg yr hen ' Bannium ' ger Aberhonddu). Derbyniodd y mab ei addysg o dan ofal un Drichan. Wedi rhai blynyddoedd, rhoddwyd Brychan gan ei dad yn wystl i Benadel, brenin Powys. Yno treisiwyd Banadlinet, ferch Benadel, gan Frychan, a ganwyd iddi fab a enwyd *Cynog*. Wedi peth amser, esgynnodd Brychan i frenhiniaeth Garthmadrn ar ôl ei dad, a newidiwyd enw'r dalaith i Frycheiniog.

Y ffaith hynotaf yn y traddodiad am Frychan yw y teulu enfawr a briodolir iddo ef a'i wraig, Prawst. Yn y ' De Situ Brecheniauc ' (*Wade-Evans, Vitae Sanctorum Britanniae et Genealogiae*, 313-5) a'r ' *Cognacio Brychan* ' (op. cit., 315-8), prif ffynonellau yr hanes traddodiadol am Frychan, cofnodir fod ganddo 11 o feibion a 25 o ferched; a chyfrifir ei deulu yn un o dri llwyth saint Cymru.

Dethlir ei ddydd gyl yn gyffredin ar 6 Ebrill.

Awdur

Hywel David Emanuel, (1921 - 1970)

Ffynonellau

The Lives of the British Saints, i, 303-21

Y Cymmrodor, xix, 1906, 18-50

Wade-Evans, *Vitae Sanctorum Britanniae et Genealogiae* (Caerdydd 1944), 313-8

Antiquity, 1945, 182-3

J. E. Lloyd, *A History of Wales from the Earliest Times to the Edwardian Conquest* (London 1911), 270-1

The Transactions of the Brecknock Society and Records of the Brecknock Museum (1928–9), i, 7-24

Darllen Pellach

Erthygl Wikipedia: [Brychan](#)

Dolenni Ychwanegol

Wikidata: [Q2398021](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

